

Pod iskustvom u provođenju izbora, podrazumijeva se:

- članstvo u izbornoj komisiji;
- članstvo u biračkom odboru na izborima za organe vlasti u BiH.

Član 3.

(Mjesto oglašavanja i rok za podnošenje prijava)

Javni oglas, iz člana 1. ove Odluke, objavit će se na zvaničnoj web stranici Općine Trnovo i oglasnoj ploči Općine Trnovo u roku određenim članom 8. Uputstva.

Javni oglas ostaje otvoren 8 (osam) dana od dana objavljivanja na zvaničnoj web stranici Općine Trnovo.

Član 4.

(Sadržaj javnog oglasa)

Tekst javnog oglasa iz člana 1. ove Odluke, pored općih uslova propisanih zakonom, mora sadržavati i posebne uslove propisane u članu 2.2, 2.3. i 2.14 Izbornog zakona BiH i čl. 2., 3. i 4. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini, kao i vrijeme trajanja mandata.

Član 5.

(Komisija za provođenje postupka po javnom oglasu)

Općinsko vijeće će posebnim aktom imenovati komisiju za provođenje postupka po javnom oglasu (Konkursnu komisiju), u čijem sastavu obavezno mora biti najmanje jedan član pravne struke i/ili osoba sa izbornim iskustvom.

Član 6.

(Stupanje na snagu)

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-1272/24

14. marta 2024. godine

Trnovo

Predsjedavajuća

Općinskog vijeća Trnovo

Amina Dedić, s. r.

Odluka objavljena na oglasnoj ploči Općine Trnovo dana 14.3.2024. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo" broj 14/18), Općinsko vijeće Trnovo, na 24. sjednici održanoj 12.03.2024. godine, donosi

**ODLUKU
O DODJELI POJEDINAČNE PLAKETE OPĆINE
TRNOVO**

Član 1.

Pojedinačna Plaketa Općine Trnovo za 2024. godinu dodjeljuje se:

Zlatku Mijatoviću, ministru u Ministarstvu privrede Kantona Sarajevo, za značajan doprinos poboljšanju uslova života građana na području općine Trnovo.

Član 2.

Ova odluka stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-1274/24

14. marta 2024. godine

Trnovo

Predsjedavajuća

Općinskog vijeća Trnovo

Amina Dedić, s. r.

Odluka objavljena na oglasnoj ploči Općine Trnovo dana 14.3.2024. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo", broj 14/18), Općinsko vijeće Trnovo, na 24. sjednici održanoj 12.03.2024. godine, donosi

**ODLUKU
O DODJELI PRIZNANJA "POČASNI GRAĐANIN
OPĆINE TRNOVO"**

Član 1.

Osmanu Smječaninu, dodjeljuje se priznanje Počasni građanin Općine Trnovo za 2024. godinu, za značajan doprinos napretku i ugledu Općine Trnovo.

Član 2.

Ova odluka stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-1276/24

14. marta 2024. godine

Trnovo

Predsjedavajuća

Općinskog vijeća Trnovo

Amina Dedić, s. r.

Odluka objavljena na oglasnoj ploči Općine Trnovo dana 14. marta 2024. godine.

Na osnovu člana 29. i 46. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 24. sjednici, održanoj dana 12.03.2024. godine, donosi

**ODLUKU
O POSLOVNIM ZONAMA NA PODRUČJU OPĆINE
TRNOVO**

Član 1.

(Predmet)

Ovom odlukom se definišu poslovne zone na području općine Trnovo.

Član 2.

(Poslovne zone)

Područje općine Trnovo se dijeli na četiri poslovne zone i to:

- Prva poslovna zona
- Druga poslovna zona
- Treća poslovna zona
- Četvrta poslovna zona

Član 3.

(Prva poslovna zona)

Prvu poslovnu zonu čini obuhvat Urbanističkog projekta "Bjelašnica-I faza", Urbanističkog projekta "Bjelašnica-II faza", Urbanističkog projekta "Poslovno-sportski centar Trnovo", i Urbanističkog projekta "Bjelašnica-Štinji Do" kao i Dolina UN koji su dio obuhvata Regulacionog plana "Sportsko-rekreaciono područje Bjelašnica" ("Službene novine Grada Sarajeva", broj 11/82), a koji je Odlukom o građevinskom zemljištu koju je usvojila Skupština grada Sarajeva ("Službene novine Grada Sarajeva", broj 22/85) označen kao IV poslovna zona.

Član 4.

(Druga poslovna zona)

Drugu poslovnu zonu čini prostor od entitetske linije u Trnovu, lijeva i desna strana uz magistralni put M-18, širine 200 m pa sve do entitetske linije na brani Bogarići, te pojas širine 200 m sa lijeve i desne strane regionalnog puta 442-B od

Grkarice (poslovni objekat Ministarstva unutrašnjih poslova Kantona Sarajevo) do spomenika na Velikom polju.

Član 5.

(Treća poslovna zona)

Treću poslovnu zonu čini prostor centara mjesnih zajednica: MZ Dejčići, MZ Delijaš, MZ Šabići i MZ Trnovo.

Član 6.

(Četvrta poslovna zona)

Četvrta poslovna zona obuhvata prostor koji nije obuhvaćen prvom, drugom i trećom poslovnom zonom.

Član 7.

(Prestanak važenja)

Danom stupanja na snagu ove odluke prestaje da važi Odluka o poslovnim zonama općine Trnovo ("Službene novine Kantona Sarajevo", broj 30/06).

Član 8.

(Stupanje na snagu)

Ova odluka stupa na snagu danom objave na oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 01-02-1260/24
14. marta 2024. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 14.03.2024. godine.

Na osnovu člana 68. stav 2. Zakona o građevinskom zemljištu Federacije Bosne i Hercegovine ("Službene novine Federacije BiH", br. 25/03, 16/04, 67/05 i 94/18), člana 13. stav 2. alineja 4. i 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 23. Odluke o građevinskom zemljištu ("Službene novine Kantona Sarajevo", br. 11/05, 28/05, 8/12, 34/14 i 47/18) i člana 24. i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, na 24. sjednici, održanoj dana 12.03.2024. godine, donosi

ODLUKU

O VISINI NAKNADE ZA POGODNOST GRAĐEVINSKOG ZEMLJIŠTA-RENTE NA PODRUČJU OPĆINE TRNOVO U 2024. GODINI

Član 1.

(Predmet Odluke)

Ovom Odlukom utvrđuje se visina naknade za pogodnost gradskog građevinskog zemljišta-rente po 1 m² korisne površine građevine u 2024. godini, koju plaćaju fizička i pravna lica, investitori izgradnje, dogradnje, nadogradnje građevina, građevina koje se legalizuju i vršenje drugih zahvata u prostoru (u daljem tekstu: renta).

Član 2.

(Osnovica za izračunavanje visine rente)

Kao osnovica za izračunavanje visine rente služi prosječna konačna građevinska cijena iz 2023. godine po 1 m² korisne stambene površine, koja iznosi 1.800,00 KM.

Član 3.

(Utvrđivanje visine rente po zonama)

Visina rente po 1 m² korisne površine građevine koja će se graditi na građevinskom zemljištu, utvrđuje se u procentu od

konačne građevinske cijene 1 m² korisne stambene površine, i to kao fiksni procenat rente u:

- IV zoni 3% što iznosi 54,00 KM/1 m²,
- V zoni 2% što iznosi 36,00 KM/1 m² i
- VI zoni 1% što iznosi 18,00 km/1 m².

Član 4.

(Utvrđivanje visine rente)

Visina rente kod izgradnje, dogradnje, nadogradnje građevina, građevina koje se legalizuju i vršenje drugih zahvata u prostoru, utvrđuje se rješenjem prije izdavanja odobrenja za građenje.

Član 5.

(Stupanje na snagu Odluke)

Ova odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-1261/24
14. marta 2024. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 14.3.2024. godine.

Na osnovu člana 68. stav 2. Zakona o građevinskom zemljištu Federacije Bosne i Hercegovine ("Službene novine Federacije BiH", br. 25/03, 16/04, 67/05 i 94/18), člana 13. stav 2. alineja 4. i 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 23. Odluke o građevinskom zemljištu ("Službene novine Kantona Sarajevo", br. 11/05, 28/05, 8/12, 34/14, 47/18 i 33/23) i člana 24. i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, na 24. sjednici, održanoj dana 12.03.2024. godine, donosi

ODLUKU

O UTVRĐIVANJU PROSJEČNE KONAČNE GRAĐEVINSKE CIJENE PO 1 m² KORISNE POVRŠINE U STAMBENOJ IZGRADNJI NA PODRUČJU OPĆINE TRNOVO U 2023. GODINI

Član 1.

(Predmet Odluke)

Ovom Odlukom utvrđuje se prosječna konačna građevinska cijena 1 m² korisne stambene površine u stambenoj izgradnji na području Općine Trnovo u 2023. godini.

Član 2.

(Prosječna konačna građevinska cijena 1 m² korisne stambene površine)

Prosječna konačna građevinska cijena 1 m² korisne stambene površine na području Općine Trnovo u 2023. godini utvrđuje se u iznosu od 1.800,00 KM/m² (jednahiljadaosamstotinaKM i 00/100).

Član 3.

(Osnovica za izračunavanje visine naknade na ime rente)

Utvrđena prosječna konačna građevinska cijena iz člana 2. ove Odluke služi kao osnovica za izračunavanje visine naknade za pogodnost gradskog građevinskog zemljišta (renta) za 2024. godinu.